

大方廣十輪經卷第一

吊一

失譯今附北涼錄

序品第一

如是我聞一時佛在法羅提耶山牟尼仙所任之處與大比丘眾俱無量無數聲聞大眾菩薩摩訶薩無量無邊不可稱計說月藏說

爾時南方有大香雲雨大香雨大華雲雨大華雨無量瓔珞雲雨種種瓔珞雨大衣雲雨大衣雨於法羅提耶山牟尼仙所任處是諸大雨皆悉徧滿大陰雲雨而雨香華衣服瓔珞亦說種種無量法音如是次第乃至廣說三歸聲持戒聲忍辱聲精進聲禪定聲具足

智慧聲降伏四魔聲名稱普聞徧滿三界聲念定摠持聲空無相無願聲離欲聲色如聚沫聲受如水泡聲想如熱焰聲行如芭蕉聲識如幻聲無常苦空無我之聲慚愧聲念處聲慈悲喜捨聲證諸法聲涅槃聲無窟宅聲三乘聲轉法輪聲成熟眾生聲度三惡道聲

六波羅蜜聲善巧方便乃至具足十地聲遊戲神通聲遊戲無上大乘聲阿鞞跋致聲無生法忍聲入佛海聲諸來大眾悉見種種雨亦聞無量諸法音聲隨意衣服嚴飾之聲又復皆悉見其兩手有如意珠雨如意寶其如意寶各出光明如是光中皆見十方恒沙世界一切諸佛是諸佛所各有菩薩而自圍遶其光明中盡見十方諸佛世界若有病者蒙光觸身眾病除愈一切繫縛及應死者光觸身故皆得解脫若身行惡口行惡意行惡光觸身時悉除三惡若諸飢渴眾生蒙光觸身亦皆飽滿種種謫罰身受苦切乏少衣服嚴飾瓔珞種種之物蒙光觸身隨所憶念悉得滿足若有殺生偷盜邪淫妄言綺語兩舌惡口罵詈蒙光觸身如是等惡皆悉得除若諸眾生有求不得若蒙光觸身皆悉受樂光明清淨悉無翳障風雲塵霧及諸臭穢苦惱辛酸不善音聲乃至怖畏惡觸皆得除滅遠離

諸惡一切邪偽諂曲亦皆無餘一切惡欲悉得棄捨諸妙勝樂一切皆集尔時眾會皆悉堅固難動如地心無去來不可毀壞如是大眾得未曾有以何因緣我等身體今皆大重不能自勝當於尔時有一帝釋名曰淨有於大眾中不遠而坐於是淨有即從座而起整

衣服右膝著地合掌向佛以偈問曰

實語實見者 實住牟尼尊 久住於法行 惟願演說法 佛為實因緣 能滅眾生苦 何故於此處 而雨種種雨 大眾皆喜悅 心生信安樂 開示諸疑惑 令住於大乘 身難動如地 及一切人天 皆見如是相

大眾悉有疑 兩手各自出 摩尼寶光明 一切諸衣鬘 雜飾嚴身具 十方之福田 離一切過惡 眾苦得休息 皆因於救世 一切諸天人 無能說因緣 是誰神通力 而來至此處 為佛諸菩薩 梵魔帝釋等 惟願救世說 神通之因緣

尔時世尊告淨有帝釋言如是如是汝今諦聽吾當說之是地藏菩薩摩訶薩於無量阿僧祇劫為五濁惡世成熟眾生故而來至此與八十頰婆那由他百千億等大菩薩俱悉為禮拜供養恭敬故欲見大眾集會故欲聽大眾起隨喜故是地藏菩薩作沙門像現神通力之所變化有如是等大莊嚴事亦是如來不可思議無量功德亦名聲聞辟支佛正法伏藏亦名解脫智實之大寶者亦名菩薩救世之法亦名涅槃導師商主猶若如意寶珠所求滿足亦如寶者一切商人所趣亦如大地能生善根亦是涅槃大法神咒亦是功德清三淨之瓶亦是日月照明行處亦是黑闇幽冥大炬如月清涼除煩惱熱如無足者得如意乘如亂心者得甘露味如羸老者遇其杖是大福田之根本也捨心無疑如彼浚流救苦無難如赴親友除結使焰如大雲蓋如淨水珠能除穢濁若趣險道迴示正路是疲極

者安隱牀座是四駛流生死橋梁亦度彼岸
無上大船是三善根勝妙果報是諸施者最
上大乘持戒不動如須彌山精進難壞猶如
金剛忍辱堅固亦如大地摠持正法心無二
相禪定莊嚴如妙華鬘智慧深廣猶如大海
心無所依猶如虛空方便無染如眾華聚處

於外道如師子王遠離煩惱如犀一角滅諸
結使如洗塵垢能除臭穢如疾飄風將護有
疾如彼良醫消除眾病如妙藥王斷除煩惱
如持利劍為怖畏者作大親友防諸怨敵如
堅城塹能除其渴如清淨水濟諸飢乏猶如
甘果亦是裸者最勝衣服與盛熱者為密雲
蓋具足如是善根果報清淨第一堅固不壞
微妙色處能生受樂於大會處而生慚愧除
諸結使禪定行處乘四正勤四攝駛流忍辱
大地亦如須彌摠持深廣如彼大海神足無
礙自在虛空降伏諸魔一切結習修行正道
無量禪定亦為一切種智之潛能轉無作清

淨法輪地藏菩薩摩訶薩為欲來故先現此
瑞亦為供養恭敬我故來至於此佛復讚歎
地藏菩薩言汝從南方來八十頻婆百千那
由他菩薩以神通力俱來至此悉作聲聞像
在如來前頂禮佛足右連三帀即為合掌而
說偈言

兩足最勝大導師	恒修於慈發善心
能生忍辱如大地	解脫眾生除瞋恚
具足最大諸相好	而能嚴飾一切界
能滿一切諸福田	常修實語及大慈
能悉斷除諸愛網	皆能如實善安住
捨餘清淨諸佛國	其中眾生具善根
本願欲度濁惡世	成熟一切諸眾生
能生堅固勤精進	超過無量諸苦行
常修難行恐怖處	超過無量諸苦行
布施持戒忍精進	修習禪定與智慧
無數諸佛菩薩等	聲聞大眾皆供養
充給飢渴病湯藥	救度一切諸繫縛

我從本來捨身命
常為法故而捨身
已所得樂皆悉捨
於諸眾生煩惱網
關閉一切六情根
修苦無常空無我

為利眾生無貪惜
皮骨肉血施眾生
有大慈悲為一切
修行寂滅悉超度
常能遠離於諸欲
亦善觀察於世諦

諸苦所因愛欲本
以是義故攝六情
能修無量大悲門
我要不捨本誓願
一切眾生如如相
如是思惟為眾生

悉能乾竭諸煩惱
能善斷除一切愛
普給一切諸群生
而亦不住勝菩提
亦見群盲受苦切
便能勤修大精進

發起精進施戒忍
猶如其母唯一子
汝於眾生亦如是
是故汝速得菩提
汝本修習菩提時
無不使任施戒忍

修諸禪定及智慧
而以慈心育養之
常能賑給於一切
度脫一切無量眾
誓願不捨一眾生
精進禪定及智慧

常能於彼末世中
是故救世於末劫
調伏惡魔夜叉等
猶如金剛斷諸結
為無量眾而受記
功德最勝明智者

求於無上勝菩提
速得無上最勝道
諸惡龍神及與人
悉能安住諸聖道
當成菩提無上道
是真福田之大將

於無量界為救世
於十方界作福田
是故一切諸菩薩
是汝神足而來集
願令如來時演說
既聞法已勤精進

普覆一切諸群生
名聲遠聞徧一切
普悉能捨於已事
俱詣世尊大牟尼
若得聞者皆歡喜
常得修學菩提道

皆由於汝大將力
未曾聞見今大集
有十三億諸夜叉
疾捨諸惡到於此
有得忍辱陀羅尼
有已獲證諸漏盡

當得疾近於菩提
是故汝等俱來會
甚為殘害食肉血
安住最勝無上道
有得最妙諸禪定
無著羅漢人中尊

有能善修四無量
有得最勝四辯才
有得三昧首楞嚴
有得無生諸法忍
悉制一切諸異學
摧伏一切魔怨已

有能住於四攝法
復有得修諸法忍
有得虛空智慧眼
皆因世尊所說法
九十六種外道等
皆是救世大將力

關閉地獄鬼畜生
是故真實諸眾生
饑饉疾疫刀兵劫
若有盲冥失正道
無量煩惱狂亂者
令眾悉能捨己業

利益一切天人眾
而皆來集佛神力
悉於今日而消滅
此諸眾生令解脫
皆悉安置寂滅道
為禮如來故至此

無量世界億佛土
名聞十方稱無量
一切種智功德海
度脫一切諸眾生
令我增長無量德
而於百千萬億劫

皆是救世之所住
我等聞已故至此
得聞如是真實相
我今歡喜故敬禮
是故稽首今頂禮
常當修習種種施

六

我今當學發弘誓 我今來此佛神足
我當修學處濁世 能到第一勝菩提
爾時地藏菩薩摩訶薩以若干種天華香華
瓔珞而散佛上所散之華變成寶蓋是時地
藏菩薩在佛前坐聽受經法諸來會眾見地
藏菩薩生希有想以種種香華瓔珞繒蓋幢
幡及諸衣服以散地藏菩薩上作如是言我
等快得善利佛神力故得見如是諸大丈夫
禮敬問訊尔時復有渴仰菩薩摩訶薩從座
而起整其衣服右膝著地合掌向佛白佛言
世尊此善男子從何佛國而來至此修何善
根能作如是種種讚歎說佛功德我從昔來
未曾聞見尔時世尊告渴仰菩薩止止大士
不須是問一切大眾及諸天人除佛如來無
有能知此善男子功德數量如來今日必當
顯說但諸天人愚闇自蔽是族姓子成就不
可思議功德首楞嚴三昧入如來得處得無
生法忍於諸佛法而得自在入深法忍已度

一切智海此善男子遊戲以師子光三昧登一切智山須彌之頂摧伏異學成熟衆生在所佛國悉皆上住隨諸佛國入智三昧以是三昧力故令一切國土衆生見諸菩薩隨諸佛國入智樂三昧於彼國土所有供養隨供養佛隨諸佛國入清淨樂三昧入是三昧悉吊見諸欲一切過患而於心相清淨無染隨諸佛土入慚愧三昧而於彼國令諸衆生悉得慚愧遠離諸惡無有愚闇隨諸佛國入水渚三昧亦能令彼一切衆生悉入是定令諸衆生得宿命智能知先世死此生彼善於禪定隨諸國土入無憂明三昧亦能令彼一切衆生悉離憂愁於諸佛國入神通三昧亦能令彼一切衆生皆入神通三昧隨佛國土入智明三昧亦能令彼一切衆生悉離愚癡便見十方一切佛國隨諸佛國入佛炬三昧亦能令彼一切衆生皆歸三昧隨諸佛國入金剛光三昧入是三昧已亦能令彼一切諸佛國

土鐵圍大鐵圍乃至須彌山王一切溪澗溝壑皆悉不現地平如掌能令一切諸惡毒虵及以蠱道皆悉消滅隨諸佛國入智力降伏三昧亦能令彼魔及魔眷屬比目悉驚怖歸依三寶隨諸佛國入電光三昧亦能令彼一切衆生離後世怖得法安慰隨諸佛國入味樂三昧亦能令彼一切衆生隨其所念飲食悉得充足隨諸佛國入精氣悅樂三昧亦能令彼一切衆生得堅牢身離諸病苦隨諸佛國入樂具三昧亦能令彼一切衆生悉得牀敷卧具衣服瓔珞無所乏少病瘦醫藥身皆端正隨諸佛國入無諍智三昧亦能令彼一切衆生身皆長壯端嚴殊大遠離一切怨憎繫縛皆悉受樂皆好布施持戒忍辱精進禪定心無散亂具足智慧深入法門隨諸佛國入無憂怖三昧而能於彼一切衆生皆得歡樂心離憂怖隨諸佛國入光樂三昧於彼佛國一切衆生得無礙智離於事務隨諸佛國入

善住金剛三昧亦能令彼一切衆生得諸根具足悉不缺壞隨諸佛國入觀幢三昧亦能令彼一切衆生皆悉厭離棄捨諸惡護持十善上生天道隨諸佛國深入大慈音聲三昧亦能令彼一切衆生各相哀愍皆起慈心得無畏心得無惱心等心更相悲念隨諸佛國入集福處三昧亦能令彼一切衆生得離閻諍疾病饑饉非時風雨飲食苦澀辛酸等味皆悉消滅是地藏菩薩所至佛土入海電三昧隨所至國一切皆悉變成寶地離諸穢惡衣樹瓔珞樹華果樹嚴飾佛界於晨朝時入恒河沙世界三昧爲成熟衆生故從禪定起令無量無邊諸佛世界於五濁惡世成就衆生悉空無餘有佛世界刀兵起時此族姓子以晨朝時入三昧力故刀兵甲仗悉皆消滅隨諸佛土有疾疫劫起害諸衆生亦令疾疫自然消除隨諸佛土若有饑饉劫起令彼饑饉亦盡消滅悉得充滿此族姓子以是三昧威

神力故能令成熟一切衆生地藏菩薩以不思議功德成熟衆生於過去無量恒河沙諸佛所久發大悲堅固誓願皆悉成熟一切衆生莊嚴勢力猶如雷震於一食頃而能成熟無量億等那由他人具足善根若有衆生爲無量億種種諸苦所惱飢渴切逼有稱地藏菩薩名者悉能令彼飲食充足滅諸苦惱置涅槃道皆得快樂若有衆生乏少衣服寶冠瓔珞病瘦醫藥種種眾具若稱地藏菩薩名者隨其所欲皆令充足安住涅槃道得第一樂若有衆生離喜樂心而與不喜樂集會者若稱地藏菩薩名者一切樂具盡皆歸之所_九不喜者亦悉遠離是意所樂者能令皆得安住涅槃得第一樂若有衆生身心受苦眾病所持能稱地藏菩薩名号身心苦惱皆悉除愈安置涅槃得第一樂若諸衆生惡心相向能稱地藏菩薩名号一心歸依者令彼衆生柔和忍辱更相慚愧慈心懺悔安住涅槃若

諸衆生繫閉牢獄枷鎖其身具受衆苦能稱地藏菩薩名号一心歸依者令諸衆生皆得解脫自在無礙乃至應被繫縛囚執鞭杖能稱地藏菩薩名号一心歸依者亦復如是皆悉解脫安住涅槃得第一樂若有衆生諸根不具疲極懈怠顛狂放逸忘失本心貪欲瞋恚愚癡嫉妬慳吝邪癡憍慢眠睡等惡皆悉熾盛能稱地藏菩薩名号一心歸依者如是衆苦皆令解脫安住涅槃得第一樂若有衆生爲大水漂流猛火所焚或墜高巖投身山險或墮樹木及諸屋舍而身顛覆有如是等無量怖畏稱地藏菩薩名号一心歸依者有如是等怖畏之事悉令解脫安住涅槃得第一樂若有衆生爲諸毒地種種禽獸之所螫者或被種種毒藥所中能稱地藏菩薩名号一心歸依者是諸怖畏悉得解脫若有衆生爲阿波魔羅掩蔽傷害若一日二日三日乃至四日能令心狂心亂心戰心掉心顛倒乃

至失心能稱地藏菩薩名号一心歸依者如是族姓男女於諸怖畏悉皆解脫安住涅槃得第一樂若有衆生爲諸羅刹惡鬼所捉鳩槃荼所捉富單那所捉迦吒富單師子虎狼惡毒蟲豸道或爲軍陣戰鬥怨賊圍遶臨敵懼死貪生求樂能稱地藏菩薩名号一心歸依者如是族姓子男女速離衆苦悉除患難安住涅槃得第一樂若有衆生爲多聞爲信爲戒爲施爲禪定爲神通爲解脫爲色聲香味觸爲諸功德爲工巧華果樹木敷具爲增益財利爲諸醫藥房舍屋宅爲使水雨順時爲得涼風爲求男女妻子方便修福爲除寒熱第十一令得正念求如是等種種因緣能稱地藏菩薩名号一心歸依者此善男子威德力故悉能稱彼無量衆生功德所願譬如下種於彼荒田能稱地藏菩薩名号一心歸依者皆悉變成微妙勝果何以故此善男子以於過去無量阿僧祇不可數劫如來之前發堅誓願

猶如大地令一切眾生皆悉受用是善男子
功德力故能令善根芽莖枝葉乃至華果皆
悉潤澤增長成熟若有眾生造作諸惡十不
善業能稱地藏菩薩名号一心歸依者一切
結使煩惱消滅遠離十惡成就十善於諸眾
生起慈悲心興利益心是善男子以精進力
於一食頃無量阿僧祇諸佛世界於一一佛
國以一食頃度脫無量恒河沙阿僧祇眾生
以是相貌令脫諸惡比日悉成就不可思議功德
此善男子以是堅固誓力能令成熟一切眾
生如是族姓子或作梵天身成就眾生或作
自在天大自在天摩醯首羅天或作欲界他
化自在天化樂天兜率陀天焰摩天帝釋身
四天王天身或作菩薩身或作辟支佛身或
作聲聞身或作轉輪聖王身或作婆羅門刹
利毗舍首陀等身或作男身女身或作童男
童女身或作耆闍婆緊那羅摩睺羅伽天龍
夜叉身或作羅刹身或作鳩槃荼身或作毗
留

留

十一

舍闍身或作富單那身或作師子身或作虎
狼身或作象身馬身或作水牛身或作種種
鳥身或作閻羅王身或作地獄卒身或作地
獄身為諸眾生種種說法隨諸眾生顯示三
乘皆悉令住不退轉地此善男子成就如是不
思議功德伏藏以解脫寶而自莊嚴亦是
菩薩諸法之母向大涅槃無上商主善男子
彌勒文殊觀世音普賢等而為上首如是等
恒河沙諸大菩薩若人於百劫中禮敬供養
欲求所願不如於一食頃禮拜供養地藏菩
薩功德甚多所願速得悉皆滿足何以故此
地藏菩薩於一切眾生能大饒益為如意寶
故此族姓子若欲成熟眾生故能發堅固大
悲伏藏令滿一切眾生心願是故善男子善
女人應當供養地藏菩薩時會大眾十方來
者菩薩摩訶薩及諸聲聞一切天人夜叉耆
闍婆等從座而起隨力供養或以金銀等寶
散彼地藏菩薩上或以種種寶華衣服摩尼

寶珠及華鬘珠瓔金縷旛蓋以散地藏菩薩
上復以無量音樂種種讚頌供養地藏菩薩
爾時地藏菩薩摩訶薩復以此供施修伽陀
即說偈言

天人龍神所供養 十方菩薩皆來集
聞有救世大功德 願佛受我最勝供

爾時地藏菩薩摩訶薩說是偈已頂禮佛足
於是世尊復說偈言

欲起堅固淨智者 能滅眾生諸煩惱
令眾得樂如寶手 能斷結網如金剛
汝起大悲諸精進 以是供養最勝尊
其心如海救一切 度諸眾生登彼岸

爾時地藏菩薩摩訶薩作禮而起白佛言世
尊我當濟度此四天下增長比丘比丘尼優
婆塞優婆夷增長護念增長壽命身無疾病
增長色力增長名稱增長資業增長親友增
長眷屬增長信戒增長多聞增長於施增長
忍辱增長方便增長覺意及諸聖諦增長入

第一

十二

於大乘一切正道增長照明真實法相增長
成熟一切眾生增長發大慈悲喜捨增長無
量一切淨法增長妙稱名聞三界增長法兩
潤三有流增長大地一切物味增長眾生所
有善業增長法氣無數福行增長智慧皆悉
照明增長六波羅蜜所行之道增長五眼通

達無礙增長灌頂增長涅槃增長威德照明
一切未曾有法眾德究竟記前呪術陀羅尼
章句我於過去恒河沙佛所皆悉受持如是
等呪增長白淨具足之法增長種子根莖華
果一切藥穀增長雲雨地水火風增長福樂
增長財物增長無量最勝果報增長基業此
呪利益能除一切苦惱繫縛即說呪曰

閼浮一閼浮二阿舍閼浮三婆吒迦羅閼浮
四菴羅閼浮五毗羅閼浮六婆闍羅閼浮七
阿盧伽閼浮八達摩閼浮九婆吒摩閼浮十
婆帝邪尼梨呵囉閼浮十鞞婆盧伽叉摩閼
浮十憂婆舍摩閼浮憂波舍摩閼浮計那邪

那閎浮叶闍那娑牟致囉那閎浮閎浮閎浮
 毗尸梨夜那閎浮奢多娑閎浮娑遮
 修跋十摩醯梨九陀彌十二餘彌二十遮加囉
 斯二十遮迦摩私梨三十差梨二十奚餘十二
 五迦囉娑囉娑娑啼二十呵梨波囉鞞十二
 七波遮囉娑陀祢二十囉遮陀祢九波囉遮
 遮醯梨十三摩梨三十伊迦他他企三十他立
 樓三十闍梨三十舍梨三十彌梨三十摩叔
 三十多叔三十鳩梨三十彌梨十四鴛叉之多
 毗四十類梨二十祇梨三十波囉祇梨四十
 叉吒苦娑梨四十貞祇貞祇四十貞求梨十四
 七休樓休樓四十鳩流兜彌梨九彌梨叔
 五婆茶娑呵囉五十闍闍梨五十噓留噓樓
 啣五十娑娑闍毗五十輪檀彌五十私婆呵
 五十摩訶復陀迦樓沙毗輪檀彌私婆呵十五
 七迦樓沙囉娑毗輪檀彌私婆呵五十迦樓
 沙烏闍毗輪檀彌私婆呵九十薩娑呵奢波
 利富囉檀彌私婆呵十六薩娑娑斯邪三波陀

彌私婆呵六十薩娑多他迦多阿菴底私婆
 呵六十薩娑菩提薩埵阿菴底阿菴無地底
 私婆呵三十
 世尊今所說呪是未曾有威德照明是眾德
 本記前章句陀羅尼神呪我於過去恒河沙
 諸佛所受持是呪增長一切白淨之法增長
 諸善根莖枝葉華果藥穀雨澤地水火風增
 長喜樂增長財物增長勝妙增長產業此呪
 威力善能繫縛亦名善解世尊說此陀羅尼
 呪與四天下聲聞弟子比丘比丘尼優婆塞
 優婆夷皆悉護念增長財物一切產業增長
 佛法能令流布廣大無量三界受樂

大方廣十輪經卷第一

吊一十四

佉羅上丘水泡下音謫罰二字音摘罵詈下
 智驛障上一反澀字辛酸下蘇鬘反莫班渚音煮
 羸老上一力劣浚流上雖閭四駛下使史二音
 瀑流一欲四無明一犀角音牛也飄風上
 三見一四無明一犀角音牛也飄風上

苗怨敵徒的音寬下城漸下七城下坑也反裸玄瓦反體也反賑給上震物濟貧日音通以楞嚴上登反饑反體也反賑給上震物濟貧日音通以楞嚴上登反饑反體也反賑給上震物濟貧日音通以楞嚴上登反饑反

祭掉徒吊反摩醯下呼記荊下并闕昌六反囉力加反鞞反躐反隸反爾乃禮啣虛留發音快薩埵果下反兜反

佛說大方廣十輪經卷第二 吊三

失譯今附北涼錄

諸天女問四大相品第二

今時地藏菩薩廣說如是大記荊經時佉羅提耶山六種震動一切音樂不鼓自鳴雨眾寶華一切大眾皆悉戰慄生希有想今時功

德天女功德樂天女劬音聲天女堅固地神天未曾有天大光明天如是等天以為上首與一萬八千及餘大自在鬼神從座而起合掌向佛白佛言希有世尊希有善逝我等雖於四大得自在力而不能知四大根本初中後相起滅因緣不識怨憎不知是善不善乃至親友若善男子得是甚深般若波羅蜜能善分別如是四大初中後相知諸生滅佛言如是如是天女此善男子得甚深般若波羅蜜善知四大初中後者譬如善神有如意珠能雨種種無量寶雨有大利益如是善天此善男子復能雨於種種覺意無量諸寶皆悉徧施一切眾生譬如寶渚能出無量若干種寶是善男子滿足種種覺意等寶亦復如是譬如波利質多羅樹華初開時光色妙好如是善男子以無量佛法而自莊嚴亦復如是如師子王於一切眾生中無能驚者如是善男子於諸眾中亦復如是得無所畏譬如日